

# CORONA TEST

graubünden.  
grischun.  
grigioni.



## TESTS EN SCOLAS

## Infurmaziuns impurtantas davart ils tests en

### Stimadas responsablas, stimads responsabels per l'educaziun

Cun decisiun dals 16 da december 2020 (Prot. Nr. 1126/2020) ha la regenza decidì ina strategia da vaccinaziun e da test cumplessiva che prevesa tranter auter tests regulars en scolas. Testar da maniera repetitiva sa esser ina mesira adattada per interromper ad uras chadainas d'infeziun dal Coronavirus. Ensemen cun las mesiras da protecziun existentas èn tests repetids mintg'emna en las scolas in'ulteriura mesira per mantegnair uschè ditg sco pussaivel l'instrucziun en preschientscha.

La finamira èsi da testar tant sco pussaivel tut las scolaras ed ils scolars ed era las personas d'instrucziun e d'assistenza da nossa scola cun ils novs tests da spida PCR. Grazia a questa procedura da test n'è il sfrusch dal nas e da la gula betg pli necessari. Nus sperain che Vus sco personas responsablas per l'educaziun sustegnias ils tests en scola da Vossa figlia/Voss figl e che vus dettiass Voss consentiment. La participaziun è adina gratuita.

Ils tests da spida PCR vegnan mintgamai integrads en il decurs normal da la scola in di determinà da l'emna. Ils singuls tests da spida vegnan reunids al lieu ad ina «emprova da classa» (Pooling) e tramess uschia a labor. Entaifer in di survegn la direcziun da la scola il resultat da «l'emprova da classa». Sch'ina classa è vegnida testada da maniera positiva, succedan ulteriurs tests singuls. Il resultat dal test singul survegnis mo Vus sco responsabel per l'educaziun directamain dal labor. Ultra da Vus na vegn nagin infurmà davart il resultat da test individual. En cas d'in resultat positiv da Voss uffant èsi impurtant che Vus infurmais immediat la persona d'instrucziun da la classa.

Per che nus possian realisar ils tests, As supplitgain nus dad emplenir e suttascriver la declaraziun da consenti-

ment agiuntada e da dar quella a Voss uffant per prender en scola. La declaraziun da consentiment sco era la declaraziun davart la protecziun da datas valan per tut ils tests en scola che succedan enfin tar las vacanzas da stad 2021. Sche Vus n'essas betg d'accord cun ils tests, faschais la crusch tar il quader correspondent en la declaraziun da consentiment agiuntada. Tut las personas ch'èn stadas infectadas cun COVID-19 ils davos trais mais, na vegnan betg testadas tenor decisiun dal substitut dal medi chantunal. Nus As supplitgain en quest cas da far ina remartga correspondent sin la declaraziun da consentiment.

Nus quintain cun Voss sustegn – grazia fitg! Ulteriuras infurmaziun chattais Vus sin [www.gr.ch/scolatests](http://www.gr.ch/scolatests). Cun Vossas dumondas As savais Vus drizzar u a la direcziun da scola u a la hotline chantunala per ils tests en las scolas.



**Hotline dal chantun: 081 254 16 63**

Amiaivels salids

Agiuntas:

- Declaraziun da consentiment
- Declaraziun da la protecziun da datas



Kanton Graubünden  
Chantun Grischun  
Cantone dei Grigioni

